

太乙統宗寶鑑

太乙統宗寶鑑卷十六

太乙統運入卦行文編年

太乙蹉行九宮不經中五三年一徙宮七十二年一換局
六年改紀行運則周遊六十四卦歷一萬一千五百二
十年分十二運其始曰天地否泰之運其次曰男女
交親之運自周文王在乾卦之首至周敬王四十三
年甲子太乙始入男女交親之運是謂夫婦之合雖
有凶害唯交續之際上九三六爲之甚焉至隋煬帝

大業元年甲子太乙運行既濟卦中男中女為治世也既濟定也事之已成水火相交六爻居正小者尚亨况其大者乎事之方濟也初吉濟極則反是以終亂易曰既濟小利真初吉終亂

三三

大業元年甲子太乙運行既濟卦初九爻無攸利為建功立德之限三十六年既濟初九非義先動者不前守義後動者亨也易曰曳其輪濡其尾無咎象曰曳

其輪義無咎也

三三 太乙理初九之爻

既濟之蹇蹇難之時必有聖賢者出能濟天下之難者
堅守正道則吉易曰蹇利西南不利東北利見大人所以
真吉也

夫既濟蹇內卦艮艮爲木果內互坎坎爲水犯此名者
可爲濟蹇也

隋煬帝以悖逆詐謀志驕氣溢窮奢極欲兵連四夷

後煩賦重盜賊遂起是以李密王世充劉武周劉黑
闥蕭銑之徒皆以僭亂爲事雖各有所謀如曳輪濡尾
終不能行也非建德立功之君何以有國乎李淵舉
兵晉陽建義旗救民於塗炭乃賁仗義有爲之主
所以能享國也武德元年戊寅歲太乙在第一甲子
元一十五局太乙在六宮主參將與客大將相關內
迫太乙始擊將臨之又擊太乙之宮名曰四郭固主
有廢養固執之禍也其年五月戊午隋恭帝遜位

唐嘗其年甲子唐公即皇帝位公諱淵字叔德姓
李氏瀧西成紀人應木果爲李之象以淵爲名應坎
水之象是謂高祖子世民知隋必亡遂起義兵
晉陽應天順人掃除亂^世掃海內臣服正爲濟蹇
乃聖賢之君作也唐公成紀人起晉陽後享于秦
地是蹇利西南不利東北大人貞吉之驗也武德九
年甲子元二十三局丙戌太乙在九宮太歲與太乙
格當有慧孛出於西方主有兵喪之事其年二

月壬午日有星孛于胃昴間是慧孛出西方助
太歲也六月庚申日秦王世民殺皇太子建成及
齊王元吉癸亥日立秦王世民爲太子聽政八月
甲子日授位于皇太子尊帝爲太上皇太歲與
太乙格孛星助太歲相合若符契也

唐貞觀十四年庚子太乙運行既濟卦六二爻爲
中道安平之限二十四年事既濟矣無復進而有
爲婦喪其廉則不可行也可守正道能靜而候者

不久而自定立剛陽中正之君然亦有小隔於間如婦
喪其第不可行之象戒以勿逐於物以動而自得此
限之中必有所失而後定也能中正道則無失矣
易曰六二婦喪其第勿逐七月得以中道也

三三 太乙

既濟六二之需爲君者能以成信克實於中則有光明
之亨通也能守其正可以濟難既濟之需內卦變得純
乾無應有僭亂者生焉在卦事主於內必起自宮掖

唐太宗真觀十七年癸卯甲子元四十局太乙在七宮
主大將與客參將併囚太乙爲四郭杜歲計遇之
大凶其年三月魏主泰陽結朝臣謀代皇太子承乾
惧與侯君集謀以東宮兵攻大內事覺四月乙酉日
廢皇太子爲庶人徙黔州魏王泰幽于北苑誅李安
偃趙節侯君集等丙戌日晉王治爲皇太子大赦
天下太乙四郭杜之驗也至真觀二十三年己酉五月太
宗崩皇太子即位號高宗次年改元至永徽五年

廢皇后王氏為庶人立宸妃武氏為皇后為僭亂者出於宮掖之間有婦喪其第矣失正之象至唐高宗麟德元年甲子太乙運行既濟卦九三之爻三十六年為內極災變之限既濟九三之世用剛武遠伐暴亂之時以救生靈為心乃用王者之事也然中國之民疲且困矣易曰高宗伐鬼方三年克之小人勿用象曰三年克之憊也

既濟之屯陰陽始交而未暢爲屯則天下之難未亨
泰之時也濟屯者豈獨力所能必廣資輔助建立侯
王以主不寧易曰屯元亨利貞勿用有攸往利建侯內
屯互變爲坤象有應則防后妃臣下之謀主婦女掌
權竊號之象在內起自宮掖內卦難變震離爲戈
上互艮艮爲正止戈爲武離爲中女變震女子武王
之相也離爲火艮爲狗有大邊火以止內亂也內互坤
坤爲西南垂戎之象也互艮艮爲東北夷狄之象

也坎爲北狄之象具爲遠方之伐

是時李勣伐高麗薛仁貴伐吐蕃劉仁軌破新羅
裴行儉伐突厥是震用伐鬼方之象也至弘道元
年十二月高宗崩立第七子顯即皇帝位次年三
月太后廢帝爲庐陵王立豫王旦爲帝皇太后臨
朝稱至廣庚寅年其年丙子元十五局太乙在
六宮主參將與始擊將客太將客參將共迫太
乙宮名曰四郭固有篡廢之禍九月后篡帝位改

元號周是女子武王之驗也至聖歷元年戊戌正月后納狄仁傑言廬陵王于房州還洛陽是大邊火能止亂之應也是屯之利建侯以主不寧之象也唐武氏久視元年庚子太乙運行既濟卦六四爻三十四年爲積亂之後待治之限也既濟六四及於坎之水體以防患慮變爲急終日戒惧以慮患如是平時常疑患之將至當畏慎可也

既濟之革革去故也初革其故人來能遽信己日乃
從是天下弊壞之後而革所以致其通也故革之以
正而可以利天下革之以正天下可以致大亨乎革而
不正則有悔也易己日乃孚元亨利貞悔亡六四爻
動變外互純乾有應象有應剛德之君能理於國也
內卦離為中女外卦兌為少女二女陰柔不正之象
外互乾內卦離乾為天有高隆之象離為火有文
明之象理國者必以此為徵也

中宗神龍元年乙巳太乙在二宮客大將囚人君不利有爲其年正月癸卯宰相張柬之崔玄暉及羽林桓彥範等率兵以討誅張易之昌宗昌期等于院左太后聞變而起桓彥範進請傳位太后返卧不從甲辰日勅太子監國乙巳日太后傳位于太孫丙午日中宗即位太赦天下丁未日徙太后上陽宮三月甲寅復國號唐既濟之華此其象也是歲以武三思等同中書門下三品桓彥範仲暉魏元忠

爲侍中張柬之袁恕己長安后並爲中書令十月
上尊號應天皇帝后曰順天皇后壬午日皇帝享
太廟太赦時帝皇后及帝女安樂公主上官昭容干
預政事武三思烝於后武氏之權復振共譖柬之
等五王罷政事譙王重福黜爲刺史壬寅太后崩
謚曰太聖則天皇后年八十二歲神龍二年丙午歲
武三思譖張柬之等五王爲崔寶自新州司馬
七月又流於嘉讓環古龍州彥範仲暉恕己三司

皆矯制殺之戊申立衛王重俊爲皇太子景龍元
年丁未太乙在三宮始擊地主客大將八宮客叅
將四宮太乙近始擊名爲擊太乙在宮後爲擊在
內內爲廢戮占在同姓近臣妃后之客類笑短不成
自敗也武三思挾帝后勢將謀逆內忌太子而其
子崇訓又尚安樂公主數請廢太子自立皇太子重
俊志怨七月辛丑以羽林千騎兵殺三思出殺訓之
入索公主不克死之癸卯大赦此年太乙內擊之應

亦既濟四爻動內雖外允雖允安陰柔不正之驗

唐隆元年庚戌其年客小將囚太乙易地六月皇后
及安樂公主散騎常侍馬泰客反壬午年虜殺帝
崩中宗既革命復唐居既濟六四爻之時不能防患
慮危取衣塞舟之戒任用小人聽信婦言是革而不
正則有將故禍及於身也肅后矯詔立太子重茂即
皇帝位年六十太后臨朝稱制大赦天下改元唐隆
睿宗旦高宗第八子肅后讚謀害帝六月庚子

夜臨淄王隆基率劉幽求等兵入誅韋后安樂公主等奉安國相王即皇帝位丁未立平王隆基爲皇太子至太極元年壬子七月辛未慧變傳位皇太子隆基即位是爲玄宗此正爲剛德之君理於國有高隆之名文明之表也是能遏亂扶危革之以正可亡其悔也

唐玄宗開元十二年甲子太乙運行既濟卦九五爻三十六年爲中道安平之限即上下二位東西二隣

之象也易曰東隣殺牛不如西隣之禴祭實受其福
象曰東隣殺牛不如西隣之時也實受其福吉大來也

二太乙三

既濟之明夷內明而外暗爲君者知時之夷利在難守
正也外坤象無應有盜賊爲禍在外卦起自蕃臣外
互震外卦坤坤爲牛震爲決躁其物決躁而有鹿
角之象內互坎坎北狄之兆外卦坤坤爲婦女爲群
小事起於婦女群之黨也

唐玄宗開元二十八年壽王妃楊氏爲道姑號爲太
貞是時天下無事國家富強行旅不齎糧外戶
不閉太乙行中道安平之限也至天寶三載甲申以
安祿山爲范陽節度河北採訪使是時太真妃
勢傾天下祿山請爲妃養兒帝許之命與楊釗
及林甫約爲兄弟由是祿山有亂天下之意至天
寶九載封祿山爲東平郡王特帝春秋高璧艷
鉗固紀綱蕩然祿山反狀已露帝猶不悟楊國忠

惡祿山言其必反帝使謁者輔璆琳受祿山金固
言不反皇太子亦屢言祿山反狀帝不信國忠曰試
詔還朝必不至祿山揣知謀乃馳謁帝帝竟遣祿
山還鎮恐國中留之日行三百里反狀明白人告言
者必縛與之天寶十四載十一月祿山反陷河北諸郡
封常清為范陽平盧節度使以討祿山又詔郭
子儀王承業張介然程千里等討之仍以榮王琬為
東討元帥高仙芝副之十二月常清仙芝敗績伏誅

宋王琬薨其年太乙入八局太乙在三宮主筭短客筭
長利客不利主以致敗亡十二月祿山稱兵向關害太
原戶楊光穎舍西平王哥舒翰統兵八萬鎮潼關
天寶十五載正月祿山僭稱雄大燕皇帝于東京國
號燕建元聖武六月辛卯哥舒翰敗降于賊遂陷
潼關京城大駭甲午親征此玄宗不能守其真正之
道所以盜起而亂也亦明夷光明後暗之象其年戊
子元九月太乙在三宮太歲丙申太乙與太歲格主有

崩亡兵後之事主西南國先敗東北國後敗又太乙在
三宮天目在和德是太乙與天目俱在艮爲之鄉主
天子巡狩行幸遷國天目和德主南遷太乙在既濟
九五之明夷外卦坤象坤爲西南梁州之分是玄宗
幸蜀之應六月丁酉次馬嵬衛軍殺楊國忠賜貴妃
自縊己亥祿山陷京師七月庚辰車駕至蜀郡七月
丁卯皇太子主天下兵馬事北至靈武裴冕等甲子
奉皇太子即皇帝位改元至德二載正月安慶緒殺

父安祿山而襲偽位改元載初閏八月復京師慶
緒奔于陝濟九五東隣殺牛不如西隣禴祀之時也
亦太乙格主西南先敗東北國後敗之應也又既濟
之明夷先明後暗之象也唐玄宗開元之初欲爲治
能自克厲儉德至天寶之後彈耳目之玩劣聲妓
之巧自爲帝王之福貴皆不我若祿山見綱紀之
紊亂禍孽日熾用進奇禽異物以蠱帝心玄宗
不悟以至于不可爲之時太乙行既濟之明夷先明後

暗之應也玄宗能以難艱清儉守正道克終其能
何由及矣

唐肅宗上元元年庚子太乙運行既濟卦上六爻二
十四年外極災變之限處既濟之極遇進不已則過
於難又陰柔旺上將沒不久危莫先焉明者惧其危
亡反身修德小人處之其敗立至易曰上六需其首象
曰濡其首何可久也

太乙三

既濟之家人家人之道利在女貞弱主在上柔佞處不
以正說邪競進盜賊並起天下分亂易曰家人利女貞外
卦巽內卦離四互坎外互離二離相迭中虛二足北坎爲
夷狄之象巽爲寡髮之象巽不離離商方赤色也
木之赤朱也爲亂者必此爲象也

至寶應元年壬寅其年太乙在戊子元十五局太乙
在六宮始擊客大將與主將將相關共迫太乙宮客
將外迫太乙宮值此則名四郭固有廢墓固執

之禍人君不利有為四月甲寅太上皇崩于神龍殿丙寅日肅宗崩于長生殿肅宗疾革張皇后謀立越王係將誅李輔國中官程元振李輔國知其謀四月丁卯率兵入殺係及充王祠幽張后於別殿此太乙四郭固之驗也已巳太子即皇帝位輔國元振驕恣用事丁卯夜盜賊殺輔國竊其首而去時藩寇秦城渭三州是歲台州賊袁晁衆亂據浙東僭號建元年昇國明年李光弼遣兵殺之爲亂

者紀日之名也廣德元癸卯戊子元十六局太乙在
七宮文昌將天道丙辰迫始擊將太簇外宮始
客大將與主衆將共格太乙之宮太乙在七宮坤爲
之鄉主天子行幸經曰太乙行極爻但遇迫擊之歲
亦必遷矣欲知所幸之方以變卦而定之外卦變
得巽爲東南林壑之象內互得坎爲險阻是東南
之地也其年党項羗寇同州郭子儀敗之子儀
復長安吐蕃陷隴右諸州十月車駕幸陝係在

東南之地險阻之地也自此連年邊寇不息至建
中四年癸未立朱泚爲帝國號秦爲亂者犯朱犯
水之名者也是有滯首之尾危是時奸邪競進主
弱臣強此其驗也

唐德宗興元元年甲子歲太乙運行未濟自唐受
命以來太乙運行既濟六爻俱得其位未濟之爻俱
失其位自此以後唐之君漸弱基祚漸衰矣

三三
太乙

太乙運行未濟卦初九二十四年爲建功立德之限也有
功有德者立無德無功者衰時當坎險若才力有餘者
可以濟時之險若才力不足則不能濟不濟則悔吝生
焉易曰濡其尾亦不知其極也

未濟之睽睽非難散之時事皆相違害之道也用
人之事則吉舉大事則凶易睽小事吉外卦并內互
二艮皆難難爲中女內卦兌兌爲少女執正者皆女子小
人徒外互坎內卦兌坎爲北狄之象兌爲西狄之象內有小

人之權外有綱國之亂此其應也

唐德宗貞元元年元李泌言皇朝之盛無貞觀開元

遂改元爲真元後帝曰朕當爲真元一萬年貞元之

後吐蕃累年入寇天下州府相競剋剝百姓以進奉

固恩澤至十三年以中官掌宮內市強買人物京師苦

之十六年二月以韓全義爲蔡州行營招討使全義

無將畧以賄納中官故用之五月吳吳少誠所敗于廣

利城七月大敗于五樓軍潰全義退保陳州十月吳少

誠弱兵歸蔡州上表待罪詔復爵十七年辛巳春韓
全義班師上不知其敗以爲討降吳少誠有其功寵賜
甚厚還鎮華州外有吐蕃以擾其外中官少人亂其
內使有濡尾之吝朕非之道至貞元二十二年乙酉歲
太乙在五十八局太乙在四宮客大將與主將併而格
之名四郭杜人君不利有爲其年正月癸巳帝崩于會寧
殿號德宗丙申順宗即位至八月庚子立皇太子即位自稱
太上皇太乙入未濟之初爲建德立功之限是以德宗憤

積世之弊憫王室之弱南面之初赫然有撥亂之志然
而識度閤淺咨情猜懷親信多非其人舉措不由其道
若獸之揭尾其能濟時之難險乎於是困辱於奉天播
遷於南山公卿拜於賊廷鋒鏑集於黃屋此正癸難乖
散之時唯用小事則吉大事則凶之驗也

唐憲宗元和三年戊子太乙運行未濟卦九二爻三六
年爲中道安平之限也未濟九二君道多失道之時賴
者貞臣耳爲君者守中行正盡君道之善爲臣者能

極其恭順或其剛過所以爲正而能保其終也易曰九
二曳其輪貞吉象曰九二貞吉中以行正也

三三太乙十

未濟之晉晉爲進盛之時大明在上而下卦順附諸侯
承王之象上者大明而能與下同德順以治安也易曰
晉康侯用錫馬蕃庶昼日三接也變得內卦坤經曰乾
坤之象變在內卦事生於內起自宮掖內互艮外互
坎艮連坎爲閭暗之人爲肘腋之禍自憲宗即位以

來天下豐熟斗米二文太乙行中道安平之限用武元
衡裴度爲相是大明在上而下順附上下同德用康侯之
相也是以憲宗聰明果決得於天性選任忠良延納
善謀卒能取靈夏清劍南誅浙西俘澤潞平淮石復
齊魯於是百年之憂一旦廓然唐之復興振皆基於此
至元和十五年庚子太乙入第一局太乙在一宮客參將格
主大將客氣將格太乙犯此則有盜侮其君之象人君
不利有爲其年帝餌金丹多躁怒正月庚子宦者陳洪

志弒帝皇太子即帝位由是宦官管民事是爲閹寺
之應至太和九年乙卯歲帝以中官太歲元年逆黨尚至
左右畏而惡之陰與李訓鄭注謀誅之九月殺陳洪志
十月殺王守澄十一月壬戌李訓等言金吾伏舍有甘露
請觀之伏兵謀誅中官不克訓奔于鳳翔守尉仇士
良率兵殺王涯賈餗舒元興李孝本羅立言王璠
郭行金等十三族京師大駭中官益橫開成三年戊
午正月甲子仇士良使盜賊宰臣李石朝廷震恐常參

官入關者九人而已余皆潛竄決旬方息是謂昏寺弄
權之驗也開成五年太乙在二十一局犯迫格執提是爲凶
歲其年正月戊寅上不豫守尉寺官與仇士良矯詔帝弟
穎二爲皇帝權管領軍事廢太子復爲陳王卒已帝
崩于太和殿號文宗即位是構亂者起自宮掖閣寺之
人宦官爲亂之應也是屋上之天大明爲臣者無德以附
於上失晉卦用康侯之禮所以及禍也

唐武宗會昌四年甲子太乙運行未濟卦六三爻內極

災變之限二十四年時未濟時而征所以凶也若能涉
陰夷除患難吉則無不利易曰六三未濟征凶利涉
大川象曰未濟征凶位不當也

三太乙一

未濟之鼎當革故取新之際易鼎元吉亨內互之乾
有應主剛德之君理於革國變從新有元吉之亨上互兌
內互乾下卦巽上卦離離在天上文明而照四方之象
理國者以此象也會昌六年丙寅太乙在二十七局客大小

將挾名曰四郭杜人君不利有爲其年三月帝服方士
藥不豫甲子崩號武宗皇帝太叔即位是謂宣宗英
敏特達委任能臣克上黨如拾芥取太原如反掌享國
日淺功業未就惜哉宣宗少歷艱難長年踐祚人之
情僞靡不罔知盡心民事勵精政通達賞簡而必當罰
嚴而必政爲剛德之君能理於國革前朝之弊爲鼎
新之故也至大中十三年己卯歲太乙在七宮四郭杜其年
人君不利八月癸巳上崩是爲宣宗鄆王溫即位號穆宗

其後浙東雲南吐蕃年年寇邊藩臣跋扈至咸通年
後帝驕淫無度崇尚浮奢昵近嬖倖忠諫者誅斥民
怨不知神怒不恤故李氏之亡於茲決矣未濟之不能除
患除難又不能革弊頂新故無所有利何言之亨也

唐懿宗咸通元年戊子太乙運行未濟卦九四爻爲習
亂之後待治之時其限三十六年未濟九四能勉而能
爲正無悔不正則不能濟於難險有悔也以義爲動能
伐遠方可以成功而行大國之賞必如是乃有濟天下之道

當貞固所以有吉也易曰貞吉悔亡震用伐鬼方三年有
賞於大國象曰貞吉悔亡志行也

三太乙二

未濟之象蒙蒙昧之世弱主在上強臣在下當任剛中之
臣不失其中正之道則可也不怨怨權臣專政小人並進上下
相蒙失正之凶也易曰蒙亨匪我求童蒙童蒙求我初
筮告再三瀆則不告利貞外互得坤有應防后妃臣下之謀
變在外卦之事生於外起自藩臣外互坤坤為黃也上有艮艮

爲黔啄之屬有山嶺之木巢居之象良爲山坤屬土坤上有乃
王字爲王者之象內互震震爲木子仕亂者以此爲兆也

咸通十四年癸巳庚子元五十四局太乙在二宮客參將囚皇
大將格文昌將迫人君不利有爲六月上不豫七月帝崩晉
王即位是爲僖宗至乾符三年乙未三年六月濮州賊王
仙芝尚君長陷曹濮二州七月王仙芝寇掠河南十五州衆
號三十萬所過無不殘滅仙芝乃是山人之象也丁酉年
三月有宛句賊黃巢陷鄆沂二州八月黃巢與王仙芝

合兵陷隨州九月沙陀李國昌寇雲翔三州宛句賊黃
巢聚衆萬人陷邳州至廣明元年庚子其年太乙
在六宮客目將格太乙勛客不利主人黃巢僭號自陳
符命取唐明字分其文曰唐去丑口而著黃明其下當伐唐
其下乃黃之日月也蓋天啓去是歲十二月巢陷潼關丙
戌陷京師帝乃幸興元主辰巢舍舍元殿僭皇帝位國
號大齊建元金統大赦天下其徒乃黃之象巢之名也
至和二年壬寅庚子元平三局太乙在六宮主人不通始

擊將客太乙客叅將囚太乙不利於主人壬申車駕幸
西川海內盜起兆民不安京師白日殺人血流於關中米
貴黃金至斤易米一斗賊自相食天下非復唐有其
年李克用授太原節度使中和三年癸卯太乙在六宮
四局太乙在七宮主火將小迫提挾客正月鴈門節度
使李克用爲京城東北面衛營都統三月克用與黃
巢戰于零口大敗于謂橋丙午復長安巢轉掠鄠許
汴洛徐兗等州倉廩人以爲糧時朱溫爲宣武軍節

度使賜名爲全忠中和四年甲辰克用追躡黃巢日夜三
百里巢衆敗走至秦山狼虎谷巢計威自刎是震用用
伐鬼方三年有賞于大國之象亦主提挾客之應也光啟
元年乙巳三月車駕至自成都大赦改元田令孜與王重榮
爭鹽池九月王重榮反十月李克用叛附于重榮十月
乙丑李克用犯京師其年太乙在六十六局太乙在七宮始
擊武德俱在坤維之鄉又主客迫挾太乙主天子巡幸
丙子車駕幸鳳翔太乙在七宮坤維西南之方是以幸

鳳翔太乙在七宮故也河中王重榮構太原兵誚闕焚
蕩俱盡光啓二年十月丙午嗣襄王煌自立爲皇帝改
元永正尊皇帝爲太上皇文德元年戊申二月車駕至
自鳳翔帝不豫終卯崩于武德殿年二十七號僖宗三
月皇太弟知軍國事乙巳即白王帝位昭宗大順二年
辛亥太乙在九宮太歲與太乙格其年有彗字出於東
南方助太歲西北國前敗東南國後敗其年四月庚
辰有彗星入于大微掃大角天市長十餘丈五月甲戌

伏是以其年八月王達陷城都六月揚行密陷揚州李
茂貞陷鳳翔又陷興洋二州乾寧三年丙辰六月李茂貞犯
京師王師敗績七月車駕次朔北韓建來朝收劫上幸州
岐軍遂焚長安唐之祚數二百八十五年此年爲祚終之
年然猶未終者唐朝十有八主其間豈無累功積德之
君故得之過數也至天復三年癸亥正月戊申殺左右神策
軍中尉韓全海內樞密使袁易簡等二十人首級告諭
四鎮甲子上幸朱全忠軍已已還長安哭于太廟庚午

全忠殺中官七百餘人以應太乙格太歲慧星見東南
方東南前敗西北後敗之驗也

唐昭宗天祐元年申子太乙運行未濟卦五帝道安平之限二
十四年

未濟六五以柔居尊位弱主在上為臣者能輔之以君子成於
時可濟也可濟則濟有暉之光濟也若以柔居尊而不能
制下下不能以忠信事上何有光暉之吉天道敗德失之大
矣易曰貞吉无咎君子之光有孚吉象曰君子之光其孚吉也

二太乙三

未濟之訟訟之卦上下相違內亂相悖以爲訟也以信實居
中正之道常以惕惧戒備訟何由興不能守中正之道終必出
易曰訟有孚窒惕中吉終凶外卦乾乾無應有僭亂之徒流
世外卦起自藩臣外卦乾內互離下卦坎有名天者日者水
者亦者不光者是無應也

其年八月壬寅朱全忠遣李振蔣玄暉弑帝蔣玄暉
兵犯宮門是夕帝崩號昭宗全忠矯詔立皇太子監國

丙子即位年十三天祐二年十二月戊申全忠弒太后何氏
朱全忠弒唐丞相三省官殆盡天祐四年丁卯四月甲子
而禪位於朱全忠子梁徙帝曹州號哀哀帝上有弱君
下有強臣上下不相制失正而征所以見戒也朱溫犯日之
名至此而唐王矣以數推之則二百八十二年乃祚限之期今
在數外而終唐朝一十八帝其間豈無積德累功之君所
以過其數也其年四月甲子朱全忠受禪即皇帝位改
元開平國號大梁更名昇汴州爲開封府建名東

都梁之曆數非正數止得十二年梁乾化二年壬申歲太
乙在二十局太乙在八宮主大將客衆將內進死門爲直
事加太乙宮歲計遇之人君不利有爲帝晚年淫虐尤
甚次子郢王友珪惧誅二月戊寅與韓勣馮廷諤殺帝
年六十一號太祖至次年癸酉珪聞亂與妻張氏起北垣
樓下令馮廷諤先刃其妻次及己諤亦自刎年二十八賊廢
人均王友恭即位去鳳曆止爲乾化三年至乙亥改正月至
率已改元德至三年癸未六月李存勗周郭崇韜自

鄆州直趨大梁十月敗王彥璋戊寅夕梁主名甚將皇
甫麟進刃於建國樓下存勗四月即位有州改天佑二
十年爲同光元年大赦天下復國號唐亦非正數主十二
年之限也至莊宗同光四年四月從馬直郭從謙作
亂帝爲流矢所傷崩絳霄殿之廊也年四十號莊宗
嗣源四月丁亥至璽子谷聞內難哀慟久之至洛京即
帝位改元天成大赦天下至長興四月癸巳太乙在四十
二局主大將客大將挾太乙宮主不利有爲十一月帝不豫

壬辰秦王謀反勅兵將入宮朱洪昭馮贇孟漢瓊等
擊殺之至戊戌帝崩於雍和殿年六十七號明宗莊宗
氣小志近驕心易生矜功自能便嬖是用婦言是聽
不能秉中正之道故悔吝及身也明宗爲衆所附資
性寬厚舉賢用能天下爲之小康既得真正故能永
終天祿有光輝之吉也至今稱爲賢主矣

後唐成天三年戊子太乙運行未濟卦上九爲外極災變
之限三十六年

未濟之極君否終傾變之時也君能誠志安於義命而
自樂則可無吝若不退守其安忿躁墮墜入于凶咎矣若
恣樂而耽肆至於滯其首信之矣若能退而安於命義
不失其常則無咎矣易曰亢有孚于飲酒無咎滯其首象
曰飲酒滯首亦不知節也

一太乙三三

未濟之解天下之亂既除則不復有爲如隨時維持而已
若尚有當解之事則早爲之乃言解險以動將有出險之

道然雖既濟解利西南也內卦坎外互坎內互離外卦震
震東方之卦離南方之卦震卯木有金剋之姓也震木出
於離火此木之象也爲有聲之物離爲飛揚之無能善
鳴有無勇之象坎水游流而中有剛硬者石之象水流
亦剋之象震爲足而起走也離火日坎水月有明趙之象
起於北方南方者不能享國雖居九五其於東方者可以
有國也有國則天下之難俱解矣

宋王從厚十二月自魏府即位改爲應順石敬瑭爲太

原節度使其年甲午歲太乙在四十三局太乙在八宮主
客將囚追太乙宮名提挾有篡殺廢戮之事二月移鳳
翔潞王從珂權北京留守不受詔遣討之進兵攻鳳
翔二月丁卯從珂至泺州戊辰帝出次衛州敬瑭殺
皇之從騎而去四月潞王入洛廢帝爲鄂王遣人鳩殺
之皇后孔氏及四子皆遇害四月乙亥潞王即位改元清
泰是年太乙提挾之驗也清泰二月丙申五月河東節
度使駙馬都尉石敬瑭爲鄆州節度使封趙國公

不受命七月誅敬瑭子石重英重裔及弟敬德范延
光晉陽危感敬瑭求援於契丹契丹王德光自將五
萬騎救之九月帝親征次覃懷副討使楊光遠殺張
敬達以降契丹丁丑車駕還庚辰敬瑭至河陽其年
太歲丙申太乙在四十五局太乙在八宮主提挾宮是亂
之驗也卒己帝與皇后舉族自焚於武元殿下年二
十五歲號宋帝此正十二年之數也十月丁卯戍主立敬
瑭爲大晉皇帝於晉陽約爲父子之國改長興七年

爲天佑元年大赦天下亦無正數以九年爲限至天福
七年壬寅太乙在五十一局客小將格大將主人杜塞人
君不利有爲六月乙丑帝崩于保昌殿年五十一號高祖
齊景延廣立齊王重貴即位景延廣驕暴以皇帝
嗣位爲己功遂加平章事遣使告東冊於契丹去表
致書去臣稱孫契丹怒至開運四年丁未歲太乙在
三宮太歲於太乙格有崩亡之事正月契丹入京師帝
過封禪寺三月壬寅契丹主發大梁晉文武諸司經

殺者數千人盡載府庫之室以行自日馬渡河往黃龍
府安置契丹主至樂城殺胡林而卒是爲崩亡之應也
此晉之數太原北平王劉知遠知慮國政乃畜義舉辛
未即皇帝位于太原却稱天福十三年四月癸亥冊
魏國夫人李氏爲皇后至戊申年正月大赦改元乾佑更
名曰高以馮道爲太師封齊國公至申子日帝不豫
乙丑崩于萬歲殿年五十四年高祖弟三子承佑即帝
位年十七歲至三年太歲庚戌太乙在四宮客挾主客

將迫太乙宮主參將客人君不利有爲其年郭允明
弑帝年二十號隱帝此正坎之流石二象也郭威自迎
春門入辛亥歲正月即皇帝位國號大周改元廣順
都于汴洛稱郭崔兒周亦無數以九年爲限至四年
帝崩于滋德殿年五十號太祖有飛鳥之象也義子
柴榮奉遺詔即位改元顯德至六年乙未壬子元六
十八局太乙在八宮始擊掩太乙宮主參將迫人君慎之
六月帝崩于萬歲殿受三十九號世宗此爲難變震

有未出於火互坎柴之象也子宗訓即位年七歲庚申歲正月河東劉鈞合勢入寇詔趙匡胤率師北討至陳橋驛軍情忽變乙巳詔禪位于趙匡胤即皇帝位奉少主爲鄭王國號大宋是震足坎月之驗宋爲國德起於東方者可享圓圓也太乙行木濟外極災變之限天下之難方解終須濟矣當興修政道定紀綱法度以代明王之法是其來復吉之驗也乾德二年甲子太乙運行艮卦初六爻下四年爲建功立

德之限艮之爲卦一陽位正止於二陰之上陽自下升極
止而止其象爲鎮靜之象限爲門閭震之水是家中
木宋興之兆也宋之數一百六十四年爲祚限之數也契
父動之初止初於事也事之於初未至失正故無咎戒
以利在桓永真固則不久正道也初六月艮其趾無咎利
永真象曰艮其趾未失正也

三三太乙

艮之賁人之合聚則有威儀上下物之合聚則有次序行

列合則必有文猶合之有飾也有飾而後能亨然貴卦之象亨於小者則利有攸往易曰賁亨小利有攸往內卦變而爲離離日也火也有文明之象也

自庚申年正月乙巳詔禪位于太祖奉帝爲正王國號大宋受周禪周本德生火當王色上赤臘用戌建隆至乙丑乾德三年蜀王孟昶來京師開保四年二月擒劉鋹廣南平乙亥十二月擒李煜江南平九年丙子歲冬十月癸丑帝崩于萬歲殿受五十號太祖弟

吳改元太平興國是賁之亨小以吳爲名雉之象也
至興國二年戊寅吳越王錢俶來朝四年五月劉繼
元降六月庚申北征次年七月帝自至北京大名乾
德元年癸亥荆南高繼中歸朝得州三縣十七乾德
三年乙丑蜀主孟昶降赦蜀是爲建功立德之限應
宋端拱元年戊子太乙運行艮卦六二爻二十四年中道
安平之限也此文居中得正在外者不能退聽極救其弊
而唯隨之使我心不快也易六二曰艮其腓不極其隨

其心不快象曰不極其隨未退聽也

艮之蠱者事也事之懷亂當有事之時能幹濟其
事得亨也時之亂則當思慮其先後可也故善救者詳
之於始則弊可革善治者究之於終則利可興此古之聖
王所以新天下而垂後世也易蠱元亨利涉大川先甲三
日後甲三日內巽東南方之卦又巽其爲木其人也爲寡
髮廣顙內互兌西方戎狄之象外卦艮艮東北夷狄之
象也故爲有事之方也淳化四年癸巳盜起於蜀賊推

李順爲首陷蜀邛州又陷永康軍五年春正月李順陷
漢州又陷彭州自陷成都府壬寅王師克劍州五月克開
州又克巴州王繼恩進兵擒李順破賊十餘萬遂克成
都李順之黨皆伏誅秋八月蜀平爲逆者李順犯本之名
也此爲有事涉南極能革其弊克濟其事獲元亨也至
道三年丁酉太乙在四宮始擊將與客大將因太乙又太歲
與太乙格在易地主有崩亡之事其年二月帝崩五十九號
太宗第三子恒即位改咸平元年二月己亥契丹寇瀋冀

威武軍王師破契丹于五合川是彼不能退聽與我不自
極其弊而隨之失也咸平五年三月李繼迁陷靈州守臣裴
濟死之六年四月契丹入寇景德元年十月契丹寇瀛州又
逼冀州其年太乙在七宮文昌將陰德始擊將呂申太乙
與天目俱在坤繼之鄉主天下有動其年十月庚午皇
帝親征契丹犯澶州李繼隆伏弩射死其將撻覽契
丹使韓杞來請和戊戌皇帝至自澶州爲涉越險阻
以濟時之難艱是幹蓋得元亨之象也其年七十二歲

進嘉禾總封老子孔子之尊號天下大治是太乙運行
中道安乎之限故也宋祥福五年壬子太乙運行艮卦
九三爻爲內極災變之限三十六年艮之九三上下不相承也
危懼薰灼心不得其安行止亦則可不可固執一隅而舉
世莫與宜者豈有容裕之理危懼常薰於心也易九三
曰艮其限列其夤厲薰心象曰艮其限危薰心也

三太乙二

艮之剝則陰盛陽衰之時小人壯君子弱若能知變順

時而止之不往可咎矣易曰剝不利有攸往內互坤太乙行
坤有應爲妃后專權之象也外互坤無應有盜賊暴亂
爲害坤爲土陽在上王之象外卦艮爲皆爲門閤爲
止爲東北方坤爲西南方爲亂者必此象也乾興元年
壬戌五十九局太乙在四宮主將格客大將迫又客挾於
主人君不利有爲二月戊午帝崩號真宗太子禎即位皇
帝尚幼軍國事皇太后總制明道元年太后崩上始親
政事景祐元年甲戌太乙在九宮與太歲格有字書出

東南方西北國前敗東南國後敗主兵革死喪疾疫是
年八月有星孛于張翌東南之方冬十月西戎寇邊十月戊子
皇后郭氏薨戊寅太后楊氏薨室元元年戊寅西河元昊及
僭號于夏州三年十二月夏人犯保安軍狄青敗之康定元
年庚辰歲正月元昊圍延州劉平與賊戰于三川口王
師敗績平死之九月戊辰王師失利于三川口慶曆二年
冬元昊來納款慶曆四年五月元昊稱男更名曰曩霄
十一月封爲夏國王六年丙戌山東地震宜防未然之變

其下登州嚴武備七年丁亥王則反於具州此謂上下不相承也使我心不得安裕此數年之間王師多不利是剝之象不利有攸往之驗

宋慶曆八年戊子太乙運行艮卦四六爻二十四年爲積亂之後待治之限不能爲天下之止惟正於身非無咎非大有爲之道也易六四曰艮其無咎象曰艮其身止諸躬也

三太乙三

艮之旅艮以靜止爲吉今山止于下火炎於上爲吉其師止不

能處靜可以小亨惟正則吉易曰旅小亨旅貞吉內卦艮東北之象外互兌西戎之象外卦離南蜚之象將有事于此方也

慶曆八年戊子正月辛巳文彥博平具州甲辰赦河北丙午王則伏誅此正積亂之後待治之限也皇佑元年二月濟井蚩寇邊九月廣源蚩寇邕州四年夏四月廣源蚩儂智高反陷邕龔勝梧封康端廣等州五年正月狄青破儂智高于歸仁浦五月拜狄青爲樞密使加

佑八年三月辛未帝崩受五十四號仁忠志誠愛物而民
載之責股肱之任於大臣而君道常佚委耳目之寄於言
者而上聽無壅雖則外有蠻夷爲亂奸臣竊國能止
其身而無咎雖非大有爲之道唯能守正則獲小亨也
神宗熙寧五年壬子太乙運行艮卦六五爻二十四年爲中
道安平之限也艮以止其輔而言有序則有悔可亡此
六五之特以口舌文辭相尚之世宜尊此戒易六五曰
艮其輔言有序悔亡象曰艮其輔以中正也

三太乙三

艮之漸天下之事止而後動必以漸者莫如女歸於大臣進
於朝人進於事固當有序不以其序則凌節犯義凶隨
之外互難爲文明君君位下有中正之臣相應是文明之
體處於上巽風化之體化於下上下相承而有序相吉无
戒利於正易曰女歸吉利貞内互坎外互難外卦亦主有
事於此方者也

神宗熙寧七年甲寅二月瀘夷吐蕃寇河州景思立

與戰死之九年丙辰歲正月交趾陷邕州守臣蘇緘死
之元豐二年瀘州蠻乞弟反以韓存保討之乙丑正月
帝崩受三十八年號神宗哲宗即位紹聖元年甲戌
十二月甲午貶責元佑史官范祖禹趙彥黃廷堅等以
口舌文亂相尚不能其輔之驗也

哲宗紹聖三年太乙運行艮卦上九爻外極災變之限三
十六年人君能以敦厚篤實以九終則吉人之敦篤難
於久終節或移于晚守或失於常事或廢於久人

之所同患也能救篤實於中正道之至善所以言也
易之上九曰敦艮吉象曰敦艮之吉以厚終也

一太乙三三

艮之謙尊以卑居爲謙唯君子有終吉爲君者身居衆
人之下謙服於衆陰退降之象何有利和况云字終德
謙巽爲事厚而不終謙輕不失實華僞何有亨乎
易曰謙亨君子有終外卦變坤坤內互坎在中有盜
賊暴逆爲害內外相連起自藩臣外極災變之重有

失地亡國之應事起於東北正北及西南方也艮爲東北坎正北坤西南占之當此爲驗也

哲宗紹聖三年丙子三月夏人犯邊六月夏人入寇皇后孟氏廢瑤華宮四年丁丑二月章惇言司馬光等已追貶而呂大防劉摯梁燾等宜量罪示罰凡三十七人皆罰元符三年正月帝崩號哲宗端王即位是爲徽宗皇太后知軍國事春正月壬戌朔亦有哲起東北稱亘四方應東北艮卦方有興亡之兆崇寧三年六月

籍元佑奸黨以司馬光為首凡三百九人刻石於文德
殿門之東壁四年春正月詔於帝祔宮置大周鼎星
祠八月安九鼎戊子詔於國丙己之地建明堂大觀二年
正月皇帝受八宝大赦天下十月辛酉訪求古禮器政
和元年九月童貫奉使契丹虜主不禮貫怨之政和
五年乙未遼興女真交攻大敗女真起改元收國元年
號金國此為盜賊暴亂起自藩臣在東北之應政和
七年正月召道士林靈素築通貞宮處之崇尚風

號教道主君皇帝政和七年詔改佛大覺金仙餘爲仙
人大士僧稱德士僧泥稱女德士寺爲宮院爲觀依道流
載寇丁巳女貞太祖自將伐遼陷東京黃龍府宣和二
年十月睦州方臘貞陷衢婺杭等州三年方臘真陷
楚州淮南盜宋江犯淮陽又犯京東河北入楚海州亦
應盜賊暴亂爲害進自藩臣之驗宣和七年乙巳太乙
在第三伐子元十八局太乙在七宮文武大武囚主太乙
宮亦囚主參一宮客挾客大將六宮外迫大臣逆命入

君慎之正月金滅遼粘罕兵侵掠河東有向京師之意九月有狐由良岳入闕升御榻而坐詔毀狐王廟十一月庚申徽宗禪位于皇太子旣道君退龍德宮欽宗即位丙午年改元靖康太乙入弟三伐子元子九局太乙在八宮文昌大武挾主大將八宮囚主算準八不和無天之數有篡殺挾持之禍又在良之上九外極災變之限正月金兵幹維字北京御弟康王構至營求和尊金國爲大金二月金兵退以張邦昌爲大宰六月丙辰金火

木土四星聚張壬戌彗出紫微垣七月彗出東北長數
尺掃帝座抵文昌八月金兵復入十月雨水水時真定等
州已陷十一月彗竟天大風拔樹幹雉宇圯京師校園
四十日閏月丙辰京城陷徽宗不務敦厚篤實唯以
浮薄爲事輕諾少信修艮岳勞民力用小人退君子
貶賢良塞言路以至亡國矣哀哉致屈身於夷狄二
帝遭囚流於荒漠是爲太乙行外極災變之限故也
前宋自太祖歲起庚申至欽宗歲經丁未九帝合

一百六十八年以應艮象六爻卦盈之限宋居中原天下
康泰百姓豐樂九帝豈無積德累功之君以卦數盈而聚
金天會十年壬子太乙運行兌卦初九爻三十六年爲建
功立德之限兌西方之卦兌屬金爲少女爲戎狄兌爲
口重兌二口爲回胡之象注夷狄之治世也女真號金國
其象也夷狄之數一百二十六年爲國祚之限兌初九爻
兌說也以爲說而無偏私說之正也正則獲土無所疑也

三三三太乙

允之困允以陰在上坎以陽居下上六一陰在二陽之上而九二一陽陷一陰之中皆因柔掩於陽剛小人以陷君子所以爲困也唯大人處困能言而無咎當困而言人誰信之易曰困亨貞大人吉無咎有言不信允之坎坎北方之卦內互堆南方之卦也坎北伏之象離南蠻之象坎水能制離火以坎南之象也天會五年丁未夏四月虜二帝北行張邦昌請元佑皇后臨朝聽政宋五月庚寅康王即位張邦昌爲太宰尋死之十二月金兵乃以便宜分道集兵討康王七年十二月

丙戌宋弼之軍取湖州戊戌濟曹娥江壬寅宋弼軍大
破宋軍于高橋趙構遁入于海八年正月己未阿里盧
蒲渾克明州進克康王構至康國執構之族兄弟趙
諤問趙構將自溫處福州由海道追三百里弗及而還
因隲明州秋七月金師奉詔與推擇一人可主南王者
立東京淮南道等路安撫使劉豫爲子稱帝國號大
齊都于大名世修子禮仍賜以金帛冬十月乙丑車駕
至自東京癸巳詔大齊建立年號十一年十二月壬子朔

皇子宗弼復進功和尚元克之十三年乙卯歲太乙在二十八局太乙在二宮客大小將掩迫太乙宮其年正月己巳帝崩于明德殿年六十一歲太宗皇姪孫亶即位是爲睿宗十五年十月詔廢齊國降劉豫爲蜀王於是置行台尚書省於汴除去廢齊弊政人悅改元天眷元年戊午八月己卯詔以河南之地割於宋以京師爲上京二年己未四月己卯康王構追使謝河南之地己巳集群臣議南伐五月丙子命元帥復讐五月都元帥宗

弼發自蒲令由黎陽趨汴梁遣右監軍撥撒難喝
出河中趨陝西時宋將岳飛韓世忠等分據河南
諸州要害以拒金人又分涉河東奇嵐石保得之境
以相牽制弼使孔彥舟下汴及鄭王伯龍取陳李
成克孟取洛陽弼取毫及順昌府秋兵屢敗汝穎
相次皆下弼以署兩還軍于汴飛兵軍亦自還
河南平改元皇統元年四月辛巳弼乞收江表是坎制
難北攻南之驗也六年丙寅六月翰林承旨宇文虛中高

士談等以謀反伏誅七年四月戊午殺戶部尚書宗禮
天德元年五月殺翰林院學士張鈞戊申誅耶律八
年十月召鄧王元妃撒印入宮戊子殺鄧王奭子阿懶
犍懶笑已車駕於忽剌渾士溫遣使殺德妃烏古
倫氏及妃夾谷氏張氏十二月己酉朔車駕還京丙辰
殺妃裴蒲氏於寢殿十二月丁巳平章政事亮在承
相秉德左丞附馬都尉唐括辦與寢殿小底大興
國尚書省令史李老僧等反其年太乙在三千九

局文昌將外迫太乙宮始擊將內迫太乙宮客大將又
格之帝遇弒崩年三十二亮篡立太乙在允卦初九爻
爲建德立功之限以是太宗睿宗雖有開基之功睿
宗不能以和於家有偏私之愛非說之正也又君子爲
下所掩蔽窮困之時正人言之不信唯以殺戮爲事故
禍之及也完顏亮篡立降帝爲東昏王殺曹王宗敏
殺左承宗賢改元大德元年至三年正月癸巳定王公
宗戚庶都統宗顏元宜曰主上無道上下離心定議

詰旦乃行時欲怒於衆語之曰適有命定令尔輩皆
云馬明日渡江軍士莫不危懼繼而告以舉事之計
衆皆從之黎明元宜等以兵犯營海陵聞亂以爲宋
兵至據起揭衣而箭入帳中所視之愕然曰乃我軍
也已流中矢軍士爭進刃體肢猶動遂縊殺之海陵
以逆自立不能以和取天下小人事賊人害善滅親殺
母唯以嚴刑酷罰急徵暴歛民不堪命失其和允
之言所以致禍也時天定元年二月故通奉大夫大医

使其宰贈資政大夫額起授秘書監丙子蠲免租稅
六月右副元帥僕散中大敗窩幹之衆生擒窩幹七月
宋主構內禪位于太子睿五年宋奉國及撫臺貢見
拜今爲叔奉歲幣銀廿萬兩正甲申年爲首每冬
李於泗州交貢七年丁亥正月壬子上服允冕御大安
殿有司備禮奉上琥世爲世宗以德和於天下和於
隣國和於臣庶是得和允之吉所以享其國也

大定八年戊子太乙運行兌卦九二爻爲中道安平之限

三十六年允之九二剛中之德若孚信內克以治天下是以吉而悔亡也易九二曰孚允吉悔亡象曰允之吉信志也

三二太乙一

允之隨隨得其道則吉可以致大亨也凡人君之仁義臣下之奉命臨事而制宜皆隨也隨之道利在於真正隨得其正然後能大亨而無咎矣隨失其正則有咎其能亨乎易曰隨元亨利貞無咎內卦震內互艮外互巽震爲長男艮爲少男隨大失小也

大定八年戊子正月庚辰行皇太子冊
札廿四年幸上京
廿五年六月使至報皇太子薨
十二月戊午皇孫金源
群王授大興尹進封原王
官車螭頭拜服金玉犀帶
及傘蓋制度甲午始制國子監
三月壬辰命廣燕城
營建宮室四月丙午廢汴京行省
而遷都於燕改元貞
元年三月辛亥以車駕入燕京
爲中都三年三月親詣大房山
命張浩敬自暉營建南京宮室
十二月召諫議大夫張仲軻右補缺
馬欽校書郎田與信

張習室入宮議南伐亮曰向梁瓠嘗爲勝言宋有劉婁
妃者資質甚艷美今一舉而兩得之朕興兵滅宋遠
不過二三年然後討平高麗西夏南蠻等國一統之後
論武遷分賞將士正隆四年二月遣禮部郎中蕭彥
良遷會寧甲仗及帑歲諸物戶部郎中高德基爲
營建南京宮室提點其日完補都城戰舡于通州四
月會天下舊貯軍器並運至中都以繕完之時方建
宮室于南京大興土木之後又中都所造軍器仗用皆

伏于四方之民急甚星火官吏因而和買於市而民間之
費率過其箭倍翎一尺至錢村落問往往推牛以借筋
革亦有生取其角者鳥鵲狗彘無不被害又徵諸路工
匠至京師疫死者不可勝計夫海內之地大騷動失八
月以諸路戶口爲差調爲五十六萬餘疋仍令出馬人戶
養伺以候師期十二月乙亥太医使其宰以上疏諫南伐之
正隆六年二月徵諸道水手以戰缸癸亥發自中都四月
命百官先赴南京治事是月諸道徵兵五月聞西北路

諸部契丹反遣兵討之七月亡遼耶律氏與宗趙氏子
男與少長皆殺之死者一百三十人八月癸丑殺其嫡母太
后徒單氏于寧德宮九月大名賊王友有等據城叛衆
至數萬時時所在盜賊蜂起大者遷城邑小者保山寨
海陵聞惡時以諸道兵三十二總管海陵親領中軍欲
自受春以進甲午南征冬十月世宗即位于遼廿六年
十一月冊皇孫右丞相原王爲皇太孫頒詔應天門廿
八年三月大赦天下廿九年正月癸巳崩上于福安殿

是曰皇太孫即位于柩前是爲章宗二月宋王趙睿
禪太子淳國位明昌三年正月乙卯皇太子不豫上侍疾
隆慶宮辛酉皇太后崩七年十一月戊戌行禮于圓丘
禮成還宮上御應天門百官稱賀大赦天下改元承安
元年六月辛酉改元年十一月丁酉司空哀以下宰職進新
定律令是時天下晏然以應太乙行中中道安平之限世
宗孚誠應于天下和平應乎允之吉隨不失正故致太
亨也金章宗得中又十六年

泰和四年甲子太乙運行兌卦六三爻內極災變之限廿四年兌六三陰柔不中不正之人來共就之以求說也居位者皆諂佞小人是枉己非道就以求說而居要位故特運致凶易曰六三未兌凶象曰未兌之凶位不當也

三三太乙二

兌之夫去去小人雖居君子道威當顯行之於公朝使人明之善惡號令以命衆或有危害先治於內然後及外不可使以剛暴用事也易曰夫陽子王庭孚號有厲先自邑不

利即戎利有攸往內卦乾外互乾內互乾外卦兌太乙運
行乾象無應有盜賊暴亂爲自內卦起自宮掖在外卦
起自藩臣是內外俱有作亂者乾西北方之卦夷狄之象兌
西方之象白虎之象爲亂者犯此之象也

泰和四年三月宋人入寶鷄界掠民財畜十月郿縣諸社
屢被侵劫泰和五年乙丑正月宋人入確山界套人馬疋
入遂平縱掠出獄囚火焚官舍令尉而去五月宋人告
以流民亂淮盜賊作梗爲辭六年二月宋人陷散關其

後邊報日至上每召大臣議輒言無足慮至是左丞
宗浩叅政賈鉉猶以爲徇竊鼠盜尚書左丞撲撒揆
右丞孫即康叅政獨言思忠奏彼誠小盜旦伏夜出
豈敢白昼置陣攻我受春耶五月辛卯詔以南征以平
章政事撲撒揆領行省于汴六月申報獲捷擒宋將
田俊等百官表賀宋師不利者不利即戎也十月乙卯
上素豫免朝丙辰上崩于福安殿受四十一遣詔皇叔衛
王即位號章宗次年改元大安元年以訖石烈忽殺

虎南征有功授世襲召知大興府事拜完顏承裕爲
御史中丞國朝太祖皇帝是年掠西夏將入境三年
辛未二月金拜叅知政事完顏承裕爲西南西北安
撫使平章政事獨吉思忠行尚書省統兵禦邊議
築高沙城以屯軍焉烏沙當衝要害水草七月

太祖皇帝遣兵征之思忠等不備失利兵疫大喪又敗焉
沙營八月太祖皇帝率衆內親侵承裕等不利退入翠平
口抵宣平天兵躡

其後承裕軍氣喪遂出宣平九月退至潰河川兵大潰遁入宣德天兵遂破德興進穴居庸闕京師大駭忽殺虎兵七十戰於安之又敗宗慶元年召忽殺虎議軍國事二年攻西京金賜忽殺虎金符牌權右司付元帥領武衛軍五千屯北郭忽殺虎愈不干天兵進居庸關人心難散忽殺虎乘之遂謀作亂其年癸酉第四庚子元三十四局太乙在四宮太歲與主大將格太乙在絕之地始擊客大將因掩太乙宮有

篡弑崩亡兵後之事八月壬辰忽殺虎分軍爲二自
彰義門通玄門入矯詔殺近侍局提點浚到大興
知府南平挾屍於市以兵叩宮門應宿衛者悉
逐之自稱監國都元帥居大興府列兵自衛癸巳
通衛王還舊邸召符宝郎陳宝于府皆盜用御宝
出宣甲午忽殺死令李思忠殺衛王子第命奉御
承立自彰德迎章宗庶兄豐立九月大安殿御皇帝
位拜忽殺虎爲太師尚書令兼都元帥封澤王太乙

行乾象無應有盜賊暴亂為害內乾卦起自宮掖外互乾起自藩臣內有忽殺虎暴亂弒立應虎臣為害之象外有天兵侵取應兵起西北之驗也是改元真祐大赦天下冬十月天兵侵京城元帥右監軍朮虎高琪戰于城北失利自清夷門而入國遂領率所部殺忽虎于第持其首詣闕伏罪上赦之十一月天兵逼京城金拜朮虎高琪為平彰政事兼前職二年三月遣內族都元帥承暉講和以衛

王公主不嫁四月山東河北諸郡悉陷唯真定大名
東平徐邳數城未下民遭屠戮俘虜者不可勝數乙
卯尚書省奏外方州郡皆望車駕至幸南京乞順人
心詔宜從所請其年庚戌在庚子元三十五局太乙在四
宮文昌臨大武坤維之地主筭二十五杜塞客筭二十八筭
長將發人君巡幸遷國之驗也七月至南京赦南京
屬縣太乙行兌卦六爻極未亢之象也奎輿播遷
宗廟失守不利之驗也癸未歲十二月庚上崩于寧德

殷受六十一朝號宣宗皇帝太子守緒嗣位次年改元
正至大四年其歲丁亥太祖皇帝駐驛於陝西六犬盤
山駕崩此亦太山乙行六三內極災變之限故也金正大五
年戊子太乙運行兌卦九四之爻積亂之後待治之限
三十六年兌之九四下者柔邪故不能決而商兌未寧為
未能有定不能之時也在兩間渭之介介乃限也極地
界也一則去其邪惡一則有喜慶及物也金之起自丁
未終於甲午合一百二十年正在此九四爻之中亦猶介

分革猶更新之象也易曰商兌未寧介疾有喜象曰
九四之喜有慶也

三太乙二

兌之節凡事既有節則能致亨節貴乎適中過則
咎矣節至於苦豈能長也易曰節亨不可貞九四爻
動外卦之坎北方之象至震而上行是帝出乎震也內
卦兌過則苦矣兌即西方金國之象坎代兌立北方之
象國之興衰有數存焉豈人力所能致然內卦兌爲

口外卦兌亦爲口西北二口者出焉金正大六年己丑太祖皇帝二太子即位金正大九年壬辰改元開興又改天興元年二月大朝軍馬臨於汴攻城不克四月罷攻十二月金主領兵幸河北黃龍崗攻于衛大朝天兵大至金軍亂潰金主奔歸德癸巳正月都尉崔立率同黨殺二相于省庭舉汴以降六月金主蒲察官奴自歸德遷蔡九月大朝軍馬與宋兵臨城金天興三年甲午正月己酉金主自知天數已盡召大臣遜位

遂自熬金數之絕當在允之九四庚子年中猶有六年蓋金得中原而有天下多尚殺戮修德者少所以不及祚數而終也

太乙統宗寶鑑卷第十六